

Nos grandinan a demostra nan talento durante Arte di Palabra

ORANJESTAD – Recientemente a tuma luga Arte di Palabra +. E anochi tabata bou guia di señor Juby Naar (mc). Tabatin 19 participante cu a demostra nan talento via di declama poesia of conta un storia. E sala tabata yen yen. E famianan y e amistadnan a bin admira y sostene nan participante preferi.

E team cu ta consisti di: Grupo Nucleo, Fundacion Lanta Papiamento, OPPA, Departamento di Cultura y Departamento Social a hinca un tremendo programa den otro y cu a caba na e ora stipula. E participantenan a engrandece Papiamento, declamando poema of contando un storia.

Pabien na e ganadonan y aplauso pa tur e participantenan cu a subi stage sin miedo y presenta dilanti un publico grandi manera esun di ayera nochi.

Comision organisado ta “gradici e sponsornan cu ta Cede Aruba, Citgo, Precious Anardey, SETAR, El Gaucho y F.C.C.A. Departamento di Enseñansa a regala cada participante cd di historia di Papiamento y buki blauw... masha danki! Danki na Trio Los Tres y na tur voluntario cu a yuda cu e evento exitoso aki, Arte di Palabra +, 2018”.



Ganado di storia, Arte di Palabra+, 2018: Carmen Frans (Bol'i fuego). Shansha Koolman (E regalo nunca uza). Esaki ta segun e comunicado cu nos a ricibi.

Ganado di poema, Arte di Palabra+, 2018: Martha de Miranda (Den scochi di mi wela). Emira Rodriguez (Un logro). Pabien na tur participante!

